

原件短缺

P1

宰輔爲之弟。論思傑直之暇。討論風雅。

藻思雲飛。雖雖喈喈倡和酬答。不帝如

周召之詠太平。尹仲二甫之作頌。如以

歡愉難工。則是正觀之詩必不如天寶

以後。而小雅之音或過于文王清廟。不

固哉。高叟之爲詩耶。余生也晚。不及

侍先。各爰。奉杖屨于先生。猶得于

夙昔過庭時聞先生之緒論丰采。今讀其詩益亶亶乎先公之言。所以訓小子者爲有自也。大雅不亾哲人其萎。手是編而讀之。聊以志余之嚮慕而已。敢曰序先生之詩乎哉。門下晚生長洲宋大

業拜序



序

真定少宰梁公敷五先生請致之二十餘年子始因其嗣君木菴令古棠得讀其詩而心儀其人公往矣詩如太華一峰芙蓉千尺不假雕琢清曠超遠妙極天然儼行雲之出岫飛鶴之唳空莫可端倪故亦以嘯雲樓名其集云此予年來執手板走塵中望佳山水鬱增慨不能遇于日者對之如飲我清涼

竿頓滌煩襟也夫詩以道性情宣意氣由來  
盛矣苟不根至性充溢發而爲言雖切玉鏤  
金備極華艷終爲末世絢染餘乘耳歷攷古  
詩之傳者非周召二南卽楚騷屈宋其忠愛  
悱惻之音千百襍後猶令人心神相接焉至  
今讀之可歌可泣也公起家華胄孝友性成  
通籍直西清掌卿貳出入禁近幾數十年伯  
仲一堂咸秉鈞佐樞名勒旂常功存社稷乃  
壘篋賡和間能以一丘一壑高寄其性情之  
澹遠而高潔良由溫厚和平得於風人之旨  
者深斯靄如之仁言端凝之風度胥於是焉  
見之矣在昔謝康樂陶元亮諸君放情山水  
其詩其文亦足以壽金石垂宇宙莫不各因  
天真之澹定與山川相映發同爲不朽抑何  
嘗以詩文掩其事功以視世之粉藻炫赫爲  
詩者何如也張子滄湄過子澗州謂公嗣君

政成敦尚風雅請以公詩問世向有公弟相  
國先生蕉林集葵石少宰雕丘菴園諸詩同  
爲海內津梁予固不必爲叅軍開府之譽而  
確信千百世後夏然景慕其爲人者以公之  
可傳不僅在於詩也雖然言爲心聲心以言  
發詩亦何可尠哉因序之以志仰止云爾

峇

康熙癸巳長夏長沙後學陳鵬年拜序



如如詩尚風雅請以公詩問世向有公弟相

受真之語曰...  
梨棗不敢云成

先大人宦遊三十年著述盈笥而詩詞不少  
槩見章生也晚未得於過庭時捧授全集僅  
於敝篋中檢得嘯雲樓詩一卷甲戌司鐸洵  
河攜之行笈首蓓齋間每當風雨晦明披詠  
無懈因手錄裝潢擬命工鑊梓而寒氈未逮  
辛卯冬量移棠邑山城冲劇簿領繁殷亦未  
克竟其志癸巳得積微祿於公餘校訂敬授  
梨棗不敢云成 先大人之志聊以誌小子  
追慕之思已耳昔甲午夏孟男允章謹識



嘯雲樓詩集

真定梁清寬敷五甫著

五言古

題張年伯小照

其心詰其行方才盤盤志未償  
買山隱卧滄浪話桑麻節雪霜  
石生劍壁松落石牀漢太丘之與世無忤  
唐遊岩之烟霞膏肓留餘蔭以滋夫百畝與九畹長  
甘竹徑雲幕而徜徉

賦得秋菊有佳色



寒英標勁質，幽林屬後凋。初放金縷綻，霜經媚清飈。  
颯爽群芳歇，萸馨襲珮瑤。龍峰照戲馬，淡冶燦吟舫。  
霞襯秘晨曦，繁翠滋妍嬌。天杯汎禁藥，踈踈籬彩搖。  
野艷友白衣，冷韻妙寂寥。恥同百卉秋，露含碧唾饒。  
誰伴題糕字，絳紫隨溪橋。園小香逾遠，爛熳襍晚燒。  
逸情秀傲骨，晴牖披清飈。作賦謝公亭，眺賞每終朝。

贈上陽季隱士

石室何必掃，自然與塵分。眼際繁丘壑，胸中秘義文。  
醉後商山夢，琴書任作群。莓苔入階綠，泉聲瀉幽激。  
松上聽鶴語，當軒月無垠。榮枯幾多變，性靜應不聞。  
生涯問何許，歸來卧白雲。

題景倪閣画卷

何必匡廬峰，三徑足林山。何必太少室，一區遠塵寰。  
蘿薜襍時卉，引泉弄潺湲。好鳥呼欲歸，白雲飛自閒。  
爨鼎列崇閣，女史付小鬟。長吟曲欄下，箕踞葱蒨間。  
誰謂嬾瓚邈，高風尚可攀。

七言古

題夢園

鼓子城隅錦沙陌小築薜蘿有幽客白雲峯下碧溪  
頭寂寞楊公高談宅半山半市儘避喧一詩一酒一  
卷石松風拂簷石牀靜竹籬短垣追陶令綠蔭繞屋  
藕苗衣清吟長嘯世無競浮雲一片任暮朝月夜虛  
窗參斗橫逸踪願作鹿裘人支頤冷眼向簪紳閒把  
道書尋丹訣絕勝長安溷緇塵山中鎮日數棋局那  
知仕路已飜新惟此清風穆木閱今古醉倒殘花卧  
湘浦有時蕉葉代牋題湖光鳥語紛絹組歸來不用  
買山錢披襟烟月常作主吾將爲先生頌冥鴻之孤  
高且願書左徒之離騷朝搴木蘭夕宿莽英雄咄咄  
咲蓬蒿倦來枕上日高睡歡歌慷慨震雲濤君不見  
功成已從赤松翔五湖早有大夫航世上浮名真糝  
糠蒹葭伊人天一方

烈婦行

禮宗爲號誰家婦氣肅清霜索寶璐咏菊咏燕咏心  
鐵斷髮斷臂凜之僚何當值百六郊垆紛戈鏃丈夫  
志惘惘女子顧貞獨之死靡他捐并湄要得如銀復  
如電淒淒寒泉冽潺潺聞幽咽清夜徂清風掄啼哀

猿走疏羆見義不受辭色侵芳魂那與九淵沉吁嗟  
乎身死不死血化碧永着金石與日白

### 雙烈行

君家處規擅節久玉碎羞與瓦缶耦赫赫烈志撼旄  
頭迨君復克繩厥後猶憶黑山匝天關十萬控弦原  
野吼大地號號紛奔逐孤城日暮哭不守義士登埋  
知已亡已矣雪涕不成行

### 次玉立弟韵送王望如

性拙逢世恒避喧報道有客扣蓆門仲宣今復來江  
左一樽相對細重論王生王生無雙士蚤應陟身金  
閨裡瞿塘灑瀨湧筆端快字雄文堪凌紙更兼白雪  
爲肝腸青雲之交交聲起知已處有劉惔不須挾  
琴長安市素心千古號芝蘭絕勝灼灼桃與李幸我  
識拔在塵埃一旦握手黃金臺劇賈屈宋淬干將光  
焰萬丈自昭回六朝豪氣不終磨于今文物付鄒枚  
寶劍已騰輝五色雷煥豈令雙龍埋君家合有得賢  
頌不止凌雲作賦才

### 贈于世丈

金山孤插鬱籠葱，瘦嘯高峰獨有公。不須陶潛賦歸去，一丘一瓢伴烟樹。富貴冕軒安足論，志切湖海踏崑崙。雲物蒼茫堪深隱，著書時闔陸羽門。羨君丹索常滿案，含咀應劉霞色爛。兼之學道陋世筌，穆穆孝友相蟬聯。元將洵可號鳳毛，一經競道韋公高。草堂知己惟林山，怡然自覺心事閒。絳縣安識幾甲子，今來但有冰霜顏。俛仰人世易彫朽，北固江濤在窗牖。隱侯自是足千秋，傲吏可把洪崖手。慕君之德爲君歌，雨澗風湍付綠篔簹。何用勞勞萬金產，桓典稽古澤

正遠

麟兒行

有子從稱萬事足，况復有孫繼華躅。鶴燕入夢星孕秀，眼光灼灼頭峙玉。王謝之代盡濟鯤，啼聲已可辨驂駟。三世盛文章，落筆中書堂。紫烟浮動袖，天香歲歲織哀。帝座傍，休休有客垂其慶。伯也抱珠後，彌昌遙知天上石麒麟。來隨五色雲鳳翔，七月應指之無字。五歲食牛虢，竒器終當早試長。揚才年少共推探，花使公家父子真。竒絕執政兩朝功，相將君不見。

唐之韋氏名最著宋有晦叔擅厥譽又不見祖孫繼  
相王之文獻富文忠猶龍猶虎古與同充閭夜識氣  
鬱葱何以贈之漢聖童又何贈之世三公

梅崖李公祖水鑑水操卓冠憲席近于公署之  
東穿渠爲沼頓見甘泉湧出滙成勝觀卽池  
之四圍環植花柳兼造小橋高閣曲檻迴廊  
清風徐來荷香郁馥遂悠然有洞庭瀟湘之  
致特爲瑞泉咏贈之

太行西望群峰起下有巖城連百雉建牙共仰使君  
賢委蛇嘯咏春風裡春風駘蕩花草香環植竹樹臨  
軒堂階前廣衍數百武別開池沼足徜徉欲覓淵泉  
那可必疏鑿功勤成不日靈源恰與星渚通錦鱗一  
躍洪流出須臾泉湧作巨浸波光瑩澈絕纖塵小閣  
迴廊楊柳岍公暇對此怡心神使君清正湛若水郡  
邑承流咸相砥雲雷澤物遍郊圻西漢芳績差堪擬  
胷涵學海滙百川典冊落筆生雲烟鵝群終日愛鮮  
潔揮霍萬頃青琅玕吟餘改抹花前句亭上洗心澄  
萬慮一泓蕩滌古今愁清虛皓白同天地

嘯雲樓詩集

真定梁清寬敷五甫著

五言律

秋日題眉居伯銀灣曲新築

何處閒花草。移來伴隱心。波光涵澹月。柳色駐鳴禽。  
半畝堪成榻。三竿亦是林。石泉誰謂遠。搔首送鴻音。

送寶應令靳親丈之任

御香已滿袖。花復擁河陽。竹使江城待。橘官驛路長。  
惠風春蕩漾。貞骨玉焜煌。秋浦今重見。高歌送越裝。

見畫中美人早春曉妝

曉日歛春寒。纖纖對舞鸞。梨花描出易。梅韻寫成難。  
衣薄憐窺鏡。鞋弓咲倚欄。雲鬟新樣巧。粧罷倩郎看。  
贈晉公姊丈竣運事復任姑蘇時下恤民之詔  
別子經三歲。相看事半新。憫農勤漢詔。督運頌唐臣。  
入眼花千樹。離思月一輪。此逢無草草。明日又征塵。

其二

喜君今日至。握手問吳風。朋輩誰衰健。物情幾異同。  
平原歡未足。中散會難逢。望爾雲間字。常邀冀北鴻。

憶仲木公秋兩宗叔

骨肉十年別。匆匆僅再逢。中原雖息甲。四野尚傳烽。  
大德思王湛。無才愧仲容。一枝勤借問。願對白雲封。

其二

邗城相見久。共作杞憂人。未必西山侶。終思南畝隣。  
修鱗隨巨壑。勁翮矯紅塵。有日投簪去。長依大海濱。  
乾觀叔好內鍊之術訪仲木公秋兩叔于維揚  
異有所遇

策馬江關道。高歌羨壯遊。雲迷看古寺。月冷渡黃流。

地爲丹丘往。人逢嘉樹留。莫言客路寂。二仲正南州。  
春日過柏棠別墅

偶過西郊日。海棠爭欲妍。門仍故榜。茆屋枕寒泉。  
小飲花堪醉。慵遊草借眠。山中饒樂事。歸路眺晴烟。

辛卯七夕

是年閏二月

河漢填秋夕。今年怨閨遲。涕痕清露冷。妝靨曉雲知。  
鵲駕傳虛步。蟾光慰別思。誰言靈會少。歲歲有幽期。

懷友人山居

野曠開幽興。移居傍遠湄。閒雲深道氣。啼鳥話心知。  
靜酌看花酒。頻成愛月詩。冷然松謾謾。何必羨安期。

其二

尋真來玉浦。杖履致蕭然。遠翠山光靜。空明澗氣連。  
忘機停溽暑。息慮妥高眠。嘯傲林深處。白雲共往還。

喜得玉立弟家報

弟以琢月名齋

九月傳家信。恍來琢月居。客心鐘裡碎。鄉夢酒中虛。  
數雁思臯弟。驚秋戀草廬。待看梅蕊發。應是話心初。  
無錫舟月時小春十日也

空濛烟樹裏。丹葉尚含秋。月照孤村迥。鐘來古寺悠。



明河寂萬慮秀野曠雙眸何處分漁火幽清一倍收  
韋公寺海棠和韻

曲徑尋幽曠名花不浪名氣縈烟柳勝香散綺羅輕  
遊子携朋酌山僧結伴畊春郊增樂事數處轆轤聲  
其二

春老粧成媚寂禪幻作葩清魂宜皓月韻友獨梅花  
列翠山開幕流紅水漾紗啣杯酬勝跡豈肯負年華  
其三

覽勝思前歲移尊又一年春風吹酒面花氣曠人天  
不自知心醉還共愛日妍明晨猶可賞莫惜整驄鞭  
九日扶柩南發至慶都早值風雨

驅馬唐堯里心懷薤露傷黃沙迷古堞丹葉老秋霜  
舞綵何人事悲椿此日腸蕭蕭風雨路不記是重陽  
陰雲宿定州署中

靄靄低垂幕寒濤聽在松荒衙宿暮火客枕耐踈鐘  
虫語當秋急砧聲入夜重披衣渾不寐疑是白雲封  
秋日遊賈氏別業四首

樓入千峰碧閒雲竹徑飛軟塵空綠圃野色澹晨晞

弱柳平橋晚寒花小院肥名園留客住不羨舊漁磯  
其二

曾傳韋杜曲林木復燕京北闕雲中近西山雨後清  
萬家烟火集一榻薜蘿盟好飲宜城酒高歌把菊英

其三

秋氣橫園樹蒼茫一逕開晴溪魚動日深院鹿眠臺  
石淨因風掃花飛逐鳥回登臨堪極目好句自相催

其四

近喧成遠築虛閣草塘連窓度雲間鳥池看水際天  
明霞翻別浦高柳冒晴烟山簡情何似臨風憶昔賢  
輓處士許世丈

塵外標才傑怡然一草亭何期天帝詔遽暗少微星  
岸上憐江笛人間悟雀銜文章貽令子未合歎鴻冥  
其二

耆英復洛社不二更明禪蘭桂看成蔭龍蛇怨是年  
有緣通世好無分拜新阡落日天容澹難裁宋玉篇

遷官日雨中述懷

世事堪予拙功名未道遲踈窓風入笛薄夜雨題詩

華髮從時如清樽喜故知數杯高卧穩不受宦情欺  
送宋玉叔之任隴西

不願生老雙旌向遠州黃雲金粟冷鴻鴈玉狼秋  
羽旆仍文物階徽化魯鄒安邊饒有策緩帶列封侯  
甲午除夕伯父京寓守歲

柏酒當除夜相看信若梭精神從暗減絲髮帶愁多  
燎火隨風俗年華覩佩珂鄉思今更倍敢負舊岩阿  
送葵石弟假旋里門

司馬猷方壯偶懷嘉樹林風雲看驛路巖壑靜塵襟  
恨別陳樽酒臨岐黯客心監與余更切相望不能吟  
其二

柳暗河橋路徘徊日欲斜逢人無白眼寄興有丹砂  
南浦參差鴈西園爛熳花夏雲歸騎擁不異泛星槎  
入直西苑

直廬當後苑煩暑若爲收樹接宮墻近波涵塔影浮  
同官俱稷契自顧愧楊劉聖學真時敏鴻文夜半  
搜時漏下二鼓  
命近侍取古文真寶

秋夜

雨餘眠不得支枕伴銀缸夜靜天多籟雲移月滿窓  
愁聞秋瑟瑟難看鴈雙雙搔首萍踪外壯心應自降

姚世兄見訪因憶 文毅夫子臨別書贈

通家孔李客忽枉到庭除道義雲霞迴生徒梁木歔  
掀髯橫劍氣揮塵盛圖書愧乏雙南贈徘徊引別裾

送晉公姊丈之桂林任

送客三秋日懷君萬里行堯山之鴈到荔水向人明  
食橘留佳話沉犀羨令名平安應有報蚤發越王城

書懷

入世慚真隱棲遲守敝廬曉山開遠障細雨掛新圖  
性僻人來少家貧興自孤無才甘落拓非敢傲華廡

月集

浩月靜天容清風下碧松人從騫樹坐客似庾樓逢  
皎潔嫌燈暗歡呼任酒濃詩成渾不寐倚枕聽疎鐘

五日懷玉立弟

欲作投湘賦臨風憶昔賢從兒酬令節搔首愧流年  
花映簷前月人懷冀北天時來追往事把酒自知憐

壬寅元夕

子姪兼阿弟周旋氣自親草堂仍故里柳岍已新春  
書卷農桑業燈光月夜人爐頭蘭酒熟一醉樂閒身

其二

共飲星橋節相看咲老齡中天酬月白午夜坐燈青  
寶瑟喧華屋香塵過錦駟遊人驩未已雜佩響玎玎

仲春感懷

天心何所在流水任滔滔冷眼看棋局開懷學酒豪  
座無時艷曲床有古離騷別墅春風麗幽閒讓我曹

夜坐

人靜虛牕下驚心忽老翁高吟酬夜色半醉御天風  
憂世思難盡謀身計未工相看孤劍在仰嘯吐長虹

景衡至自邗上飲東郊蓮亭

有客柴門訪芙蓉始見花雄談驚座席逸氣帶烟霞  
三徑風猶在扁舟興自賒此中堪共隱未許滯天涯

王伊人致訊却寄

南國雙魚信慇懃寄慰深青山權作主白雪自成吟  
世態炎涼日功名去住心屋梁明月上百感坐中侵

小雨

細雨橫塘路微紋漾綠波涼颺坐枕簟翠色上林柯  
高卧成吾懶苦吟任世呵深知貧賤理豈敢厭松蘿  
雨不止得江字

宿雨連朝夕瀰瀰失野疇莓苔增老樹蝸蛄度虛牕  
遠吹驚殘夢新詞愧舊腔惟應整釣艇蓑笠向桐江

立秋

火輪方息焰秋氣澹餘暉寥落吾生事粗疎隱士衣  
鳴蟬和露咽候雁帶雲飛細數山中樂新來筍蕨肥  
夢中題秋容圖覺而記之

四野蒼茫色悠然尺幅收白雲恣變態紅葉媚新秋  
澹冶山家趣蕭疎旅客愁曠懷何所寄叢竹隱高樓  
聞家園旱甚寄弟姪

曠氣頻年甚自憐身未歸旅愁銷竹葉鄉夢到荆扉  
性拙知交斷才疎筆札稀吾園松菊在只覺寸心違  
午日邀千里子靜兩年兄陟菴咸斯二姑丈及  
大司馬弟歡飲

五日尋佳會親知幾許同何須愁眼白聊共惜花紅  
印坐新生月披襟細入風談深疎客夢莫放酒盃空

夏日書懷

已見流年迅。愁中更若何。家貧安稼穡。性僻入雲蘿。  
沽酒酬新月。披襟坐舊柯。空山客不至。散步自行歌。  
謁桓侯廟

肝膽盟天地。艱危義不撓。丹忠爭漢魏。神勇壓孫曹。  
霹靂軍中令。冰霜戰後袍。至今威尚烈。匹馬陣雲高。

寄友人

舊日同心侶。踈燈坐語遲。酒香梅綻夜。人憶月明時。  
違俗甘耕野。全身學結籬。蕭然無限意。聊寄與君知。  
陸恂若來顧信宿而行寄贈

三年燕市客。偶作鏡湖遊。好友孤帆至。高談俠氣留。  
慨前成泡影。憶後亦蜉蝣。樽酒他時約。相期紅蓼洲。  
多病

多病時人賤。蹉跎兩鬢華。藏名開蔣徑。駐世愛羲車。  
竟日將迎少。虛窓咲傲奢。白頭能得幾。老健是山家。  
茅堂

茅堂成小築。車馬不知喧。醉月花盈珮。歸舟子候門。  
客來談稼穡。身健益盤飧。巾履無拘束。婆娑染酒痕。

野望

芳草垂楊岸。茆茨十數家。小橋環綠水。遠岫映紅霞。  
入座花迎笑。開樽酒任賒。夕陽烟景碧。漁艇出蒹葭。

閒居

塵世愁經眼。非關老目昏。踈狂輕鼎食。澹默省卮言。  
松徑常無客。桃源尚有村。花香風送處。明月倒青樽。

睡起

睡起渾無賴。窮愁百事闌。雲窺虛牖靜。風入小床寒。  
拙宦餘三徑。浮名悔一官。早知農圃好。長嘯向烟巒。

不眠

何事牢騷甚。更深未肯眠。難忘今古恨。頗怪始終緣。  
興至迎秋水。愁來問楚天。孤懷聊自慰。不惜買山錢。

畏暑

暑氣頻相逼。敲冰送夕陽。塵心思雪嶽。逸致望霞莊。  
霜鬢裁詩慰。金魚換酒嘗。俗緣那可戀。一棹泛滄浪。

七夕

七夕常陰雨。今年獨不然。星河清且迥。烏鵲衆成闐。  
人事多新異。風雲亦變遷。持杯良夜靜。月上不知眠。



悠然

寂寂雙桐下悠然意味深俄經新歲月遠動故人心  
交態情難盡塵緣淚暗侵石林寧解事彈鋏覓知音  
無事

鎮日無他事餅無長物牽藿藜輕世味郊回遠時緣  
展卷尋丹藥乘舟採白蓮真堪舒咲傲不是假逃禪

聞砧

夜半秋砧急驚回噩夢餘寒蛩聲斷續孤月影蕭疎  
老大應爲圃窮愁悔讀書遠鐘何處至不寐意蘧蘧

村居

早秋吹樹杪清露咽蟬聲人傍孤村出蟾光破牖明  
深懷舍老淚多病送餘生欲問從前事空勞繾綣情  
遠思

一葉秋風起蕭然與遠思蛩聲依近砌月色冷踈籬  
物態何堪問天心實可疑草堂深寂寂獨坐啜村醅  
念友人

秋容何澹寂知已動離悰喜見天邊雁愁聽雲外鐘  
談詩思酒伴加穡有山農八月涼風至空懷萬里蹤

舒目

天空舒野目閒曠識高秋遠水涵烟靜群峰帶月幽  
無心梳短髮久病老孤舟六十年來事有懷誰與謀  
秋懷

小圃秋光好泉香試芥茶種花酬寂寞覓句解咨嗟  
人向松筠老心從麋鹿遐經年無客訪跌坐養黃芽

放跡

放跡楓林下平池駕野艤天空高塞雁地寂吠村尪  
把釣蘆花岼讀書薜荔窓濁醪猶可醉奚待玉爲缸

聞雁

旅鴈寒雲外只因歲序移翼高雖遠害聲苦竟誰知  
飲啄曾無定炎涼信有期何如巖下鵲終日飽江籬

紫薇花

片片雲霞起一枝高下同攢生形歷落縵綴影玲瓏  
丹桂堪爲侶芙蓉相映紅幽棲成獨賞日日醉秋風

垂綸

古樸于今盡老迂一病身里門仍不改物態幾更新  
舉世工溫飽逢人礙咲顰滄浪容未遠且自效垂綸

東園卽事

秋老芙蓉媚。空亭花氣深。曉風催旅鴈。明月急寒砧。  
閱世憐懷璞。論交憶斷金。支離當此際。洒泪不能禁。

中秋前二夜

忽到中秋近。居諸不少停。烟籠山岫紫。露下薜蘿青。  
夜色穿衣潤。蛩吟喚夢醒。草堂風物靜。齋意理黃庭。

秋意

踈風初料峭。霽色下高城。古渡扁舟冷。幽棲別館清。  
水禽知氣候。紈扇見人情。且向壚頭醉。不須更解醒。

十五陰雲不及見。月漏下三鼓。忽爾開霽。各賦一章。

清輝初未徹。小院怯衣單。可惜浮雲蔽。空隨白露寒。  
謝莊雖有賦。庾亮不成歡。坐待天心轉。渾忘夜色闌。  
其二

倏看瑩似洗。幻作夜珠流。霽色真堪醉。清光亦照愁。  
何人傳玉杵。無計泛瓊樓。願乞嫦娥藥。乘風訪十洲。  
西窓兀坐

簡要慚無術。八年負此官。隨時俯仰易。濟物是非難。

桃李同矜煖菊松耐歲寒齊門饒有瑟不敢爲人彈  
十六夜風雨齋中自酌

貧賤還吾素高吟五噫歌誰憐兒女累自信悔尤多  
不作京塵夢寧沉宦海波瀟瀟風雨夜獨酌醉顏酡  
乘桴

欲覓烟霞樂先爲泣阮途性踈親友異謀拙土田蕪  
病裏詩無韻愁中酒懶沽由來人事苦吾志在乘桴

雨後晴色

雨後增虛白天高氣更幽簾疎羅夏月蟬寂槿花秋  
難向勞人說獨堪靜者留怡然情緒遠忽聽奏篳篥

感齋中花竹

花竹仍相待今來感興深依然前日景不復舊年心  
老語違時好孤情莫共吟愁多秋更甚但覺泪痕侵

重陽值雨

雨餘花氣靜身健且登高戲馬看前輩悲秋自我曹  
優游容採菊潦倒漫題糕漉酒東籬下風流遠愧陶

重陽後一日仍陰

西園時策杖平水漾微紋老柏惟孤立高鴻不妄群

怡情從濁酒。覓友對層雲。晚菊無人識。幽香細細聞。  
秋月娟娟坐。不忍就枕。

著意留秋住。繩床坐不眠。松陰浮酒綠。月魄照人圓。  
朋好頻來夢。詩狂老欲顛。餘生無所戀。日醉野花前。  
遵時

霽色呈高潔。蕭然見素秋。鳥間松徑轉。人澹竹亭幽。  
養性營丹竈。遵時檢酒籌。白雲心事靜。冷眼看沉浮。

和陳謨公韻

小築東廓外。數椽倚茂林。情懷從澹澹。退密欲深深。  
掃徑延幽客。移樽就夕陰。水亭風物靜。初夏氣蕭森。  
其二

垂柳茆堂下。植花曲作欄。鳥聲喧小徑。月色印前灘。  
水淨纓堪濯。時清山耐看。肆談無拘束。好友任盤桓。  
七夕

七夕多陰雨。愀然意不禁。經年悽楚淚。千載別離心。  
柳。听。蟬。聲。咽。蘆。花。鴈。羽。沉。天。星。猶。有。恨。爭。似。白。頭。吟。  
夜坐

藤蘿深處好。閒寂養吾真。覓句酬新月。開樽憶故人。

雲林時作主。花鳥自相親。獨坐消殘暑。跣跌樂隱淪。  
七夕立秋

清秋疎雨後。料峭動微寒。遠笛因風至。濃花帶月看。  
身貧羞老髮。腸熱愛纓冠。獨酌虛窓下。多愁頻倚欄。

其二

茆堂秋色靜。七夕坐苔茵。仙侶雖云舊。雀橋喜駕新。  
風流千古話。盟結萬年姻。敲句酬嘉會。濁醪任勸頻。

前韻

曝書傳故事。聊復效前人。學媿郝隆富。家稱南阮貧。  
月華瑩似水。天漢迥如銀。把酒渾難寐。長歌碧草茵。

深秋

東園獨歸後。寂寞養餘生。愛月移樽賞。惜花帶露行。  
壯心看寶劍。僻性老孤城。搔首論時事。常深萬古情。

雨後微涼

驟雨下高城。悠然暑氣清。濛濛新露濕。細細曉雲輕。  
把酒酬時令。讀書遠世情。蒲團堪席地。喜見綠苔生。

舟泛有感

放艇春日好。骨肉喜傳觴。水靜波紋細。風和柳帶長。

歌聲遙自續。醉客有餘狂。嘆彼勞勞者。馳驅終日忙。

會葬孝陵

同此衣冠會。先朝老從臣。拜陵餘涕淚。息肩見情親。風月今何夕。圖書舊作隣。四山蒼藹下。翻似得閒身。

過掌雷五鹿兩司空有作

空林從晏起。忽復過西村。日下牛羊路。山遮薜荔門。無塵清壁画。有黍易盤飧。歸去何愁遠。新來見月痕。

嘯雲樓詩集

真定梁清寬敷五甫著

七言律

登第謝恩

曙色先涵耀。帝畿彤雲影。裏點朝衣。鷓班携策趨青瑣。鳳署含香傍紫薇。氣浹泰和。雙闕迥頌高神武。遠人歸小臣。新沐恩波渥。願祝堯年。捧日暉。

楚中大捷

軍聲霹靂擅烏號。細柳營開壯六韜。湘水無波鯨浪

靜衡峰始旦陣雲高恩威日遠歌重譯氣魄天空震  
不毛矯矯虎臣傳露布功成一統奠神臯

中秋出師閣試

氣肅高秋瑞靄崇重臣新佩寶刀雄雲屯萬馬天低  
月霜湛千軍夜肅風雙鳳樓前寒羽旆百蠻城畔驟  
花驄願觀飲至開南服徧澈清光滿碧空

送呂蒼忱修撰旋毘陵

杏園第一領春風詞賦爭傳晉魏雄燕市論交僑札  
近蘭陵命掉秦膺同御香袖滿騰裝外花宴圖歸罨  
畫中賜沐承恩先講幄全收文物大江東

寄懷萬司李

春老多愁未得眠茫茫往事又經年頻驚千里尋人  
夢遠憶寒宵泛雪船平允早知今定國清華應繼古  
譙立風吹雁足江頭去一夕橫飛到子邊

留別葵石弟

廿載衡門落拓身愧從金馬侍楓宸才非曼倩容吾  
拙篋似阿孚咲我貧久客常嫌骨肉少年別尤覺弟  
兄親臨岐吟望思無限把酒評詩意更殷



次水部伯寄韻伯素擅聲律兼工歐體時以人

才應 詔

帝京三月示新詩報道平安事事宜工部才名雄作  
賦右軍逸氣喜盈池已看 君相勤虛問爲卜風雲  
定有期經濟正從藏後富百年大業更堪思

舟泛

春日東郊泛小艇筆床茶竈足生涯池環晉代陶公  
柳畦種青門邵子瓜明月迎人歸秀浦聞鷗傍岸睡  
晴沙一聲遠笛因風至不減山陰處士家

月坐感懷

雨後蟾光上碧梧深沉院落一輪孤隔年歲月疑今  
古往日親知半有無興至愛尋高士傳愁來頻檢白  
雲圖中宵萬感尋常集把酒還思碎唾壺

秋興

西山嵐氣望中浮幾度關情向小樓才匪文園偏抱  
病嬾同叔夜却多愁無邊月色連天白數點鴉啼大  
地秋最是可憐風物換等閒華髮上人頭

獨酌東銓翰葵石玉立兩弟

冷桂新香晚向人  
踈燈醉倚問閒身  
銓曹聲價原名鏡  
供奉文章故有神  
博學多君稱小陸  
無才獨我愧三陳  
西風一夜連床夢  
不禁題詩遣慰頻

送晉公姊丈之任姑蘇

開樽一夜洽清歡  
話別離情折柳難  
往日詩名喧白社  
今朝意氣傲都官  
錦帆任有吳儂艷  
澤國應懷湖水寒  
客路迢迢明月照  
相思遙向虎丘看

時雨連宵感

上從諫之美  
因憶潰石生年兄

踈簾密雨潰空濛  
遠綠遙連堦下桐  
三徑辟蘿新歲月  
滿床經史故家風  
幸當聖主容直諫  
且許詞臣樂化工  
何日與君重把臂  
短章聊一托飛鴻

寄李琳枝柱史時以建言謫歸

秋霜大節勵孤鶩  
說論爭傳玉陛前  
柱後惠文堅匪石  
螭頭白簡直如絃  
一麾勁氣追唐介  
再入榮名望鮑宣  
千古彈章矜紙貴  
宸恩有日待君還

花朝獨飲時有作吳飲和以洞簫者

寒紅初綻報花朝  
書卷茶爐樂事饒  
檻密不教風暗妬  
臺虛如向月相招  
吳兒飲佐停雲曲  
秦女聲傳舞

鳳簫可許春光容易過十年已醒夢中蕉

仲春雨中宴集坐有侯李二姬侑觴

九十春光強半過繁紅艷紫滿林柯雲飛南浦霑衣  
秧雨入青郊長薜蘿有酒堪要融座客燒燈共醉雪  
兒歌柳吟花嘯無拘束嬌舞合當試越羅

春霽獨步

密雨絲絲二月天小園新霽海棠妍春光漫度鞦韆  
影書幌遙分楊柳烟閉戶從譏人事懶開樽肯放酒  
杯乾雖然不必陶潛宅檢點詩囊一醉眠

春日遊栢棠庄卽席賦

聯騎西郊踏翠茵竹松三逕舊爲隣蹠躔花舞渾成  
幕睨睨鶯啼欲傍人酒洽堪酬芳草約時閒較勝去  
年春偕行漫話桑麻事薄暮優遊幸此身

舟泛諧譔共扶乾叔醉歸

曲港平波好放船聲歌疊勸酒杯乾望中綠樹堪成  
幄手底鮮鱗不計錢醉態婆娑蓮社老談鋒灑浪謝  
公禪歸來馬上吟明月野色遊情盡可傳

送玉立弟還朝

河亭五月把長條三歲驪歌復此朝曉雨冥濛天路  
淨夕陽澹映帝京遙綠荷色映蓮花炬青荔光分  
杏葉鑣別後相思各幾許雁群秋際會同招

翊乾叔齋頭盆荷同榦兩花分韻賞之

槐庭小甍藕花敷一蕊能堪十里圖菡萏星垂金漾  
粟圓羅雨過翠凝珠雙荷莫羨元嘉苑並蒂還同額  
擔湖此景好邀房壽客歡裁碧筒醉提壺

贈杜司李

品格高標白玉堤爭看蓮館鳳鸞栖早年異政錢公  
侶一代新詩水部齊介甚清水霄漢迥澤深滄海雨  
雲低丹封日下臨仙掌侍從欣傳左掖西

題武年伯像冊

卧老白雲無是非角巾竹杖芰荷衣  
躄山骨瘦元相合把釣心閒未肯歸  
蔣徑薜蘿鶴作伴陶門烟柳鹿忘機  
先生獨得幽居樂永向高丘仰少微

其二

北牕露坐雲林遠疎放藏名學灌花酒社時稱君子  
會柴籬不辨野人家依希宗測圖丘壑遮莫韓康秘

永砂後福留培開哲嗣爭看仙吏擁清華

保定郡署臨漪亭澄瀾蕩漾魚鳥遊翔池內芙蓉散香宛有三湘七澤之致太守胡公益以畫舫高軒時共僚友吟和其中不止地稱勝蹟將人能重地幾與韋杜曲同名拈韻咏之

易地笙歌擁畫船凌波出舞紫藻仙河亭歷落疑桃渡詩酒從遊訝輞川丘壑夔龍兼事業衣冠王謝領風烟保州太守真豪達日醉佳賓賦百篇

留別諸伯叔兄弟

三年骨肉甘相攀詩酒論文意自爛月醉高樓狂欲墮燈圍密室曉方還傳呼別醺重携手取次當歌共解顏明夜征鞍何處驛幾回搔首事般般

贈魯將軍

鷓鴣龍劍氣摩空說禮敦詩大將風壁勒姓名追武毅人呼偉听類王公三千鉄甲連霜白十隊金粧映燭紅豺虎俱平鈴閣靜願從國史紀殊功

贈仙羽張監司

澄湖百頃使君賢文賦兼推大曆前簡易有如曹相

國經給還似李西川行邊劍冷秋山月底物人廐萬  
灶烟保障功成書御壁封侯應數武皇年

贈仁齋崔太守

原是當年邵杜身復從 帝簡布深仁民間已盡除  
蛇虎堂上惟知有鳳麟湖水比清高漢守棠枝勿剪  
頌周臣由來良牧多黃閣竚看褒封降 紫宸

除夕守歲和韻

圍燈酌客手焚香相對寒梅短髮蒼送歲新詩慚玉  
燭開顏濁酒付椒觴北依紫禁勤呼祝西望白雲悵  
杳茫幸有同朝舅弟在漏催猶作楚歌狂

元日賜宴

嚴宵天仗侍 宸旒寶扇爐香氣欲浮曙色呈祥迎  
鳳輦東風送煖上貂裘車書遠集來重譯禮樂方興  
備九旂喜覩泰交頒大醕 君恩未可負盤羞

送王蓼航同年歸養

十載鑿坡共校讐斑衣念切引歸舟長安忽見歸潘  
李鄴地何當去應劉車馬喧填槐氏里烟霞醉卧荔  
名荔他年須記台衡事莫便三湖逐釣鈎

伯父初度適部覆還職恭祝誌喜

霞盞偏宜帝里秋。除書復下鳳池頭。十年劍氣縈霄漢。此日歌吹擁畫樓。人似朗陵占姓字。調成白雪讓風流。醉來笑傍芙蓉面。何必蓬山是勝遊。

甲午中秋

一年幾度月華明。獨至中秋別有情。似鏡冰輪驚物魅。如波銀漢洗甲兵。慈闈異地知同賞。遊子今宵夢不成。猶幸帝城多骨肉。好吟玉露句相賡。

和伯父贈北海年兄韻卽以恭祝覽揆

帝京復值進霞觴。桂影參差夜漏長。叔度汪洋同德量。青蓮豪達比詩腸。一堂五代洵家慶。筠節松姿異衆芳。福至如川原不偶。平生心事獨昂藏。

送史筆公年兄之任嘉禾

春風初拂大江湍。檣李城邊竹馬譟。政美龔黃堪步武。詩成屈宋亦衙官。青山歷歷扁舟送。芳草芊芊驛路看。澈浦雲樓供眺賞。應傳佳句到長安。

元旦卽事

拂旦香風散甲煎。起看曙色弄春妍。自憎齒長居人

後猶喜官閒載酒便。聊把聰明鞭稚子。懶將富貴祝  
新年。喜聞寬大乘時令。變盡寒廬萬灶烟。

衛相國招飲廣慧庵賞牡丹

數枝凝艷等名姝。含露迎風乍浴初。品貴曾煩歐作  
記。態妍偏合蔡爲書。瑁欄錦障家相護。禪院松亭致  
亦舒。醉向花王約更賞。來朝烟雨定何如。

人直西苑

面面樓臺傍水濱。雨餘爽氣入簾新。柳邊度馬勤中  
使。殿角攤書集侍臣。白鷺晴驕頻浴沼。青山翠滴遠  
依人。湖光明月渾同色。携手天階望紫宸。

更闌月大官童。斟惠泉酒佐以吳歌。因憶同館  
兄弟

秋深夜寂月輪高。旅况強將醪釀陶。坐久不知移桂  
影。衣單常是怯松濤。聲非竹肉心堪醉。侶異金蘭首  
自搔。遙望春明知已伴。也應把酒念余勞。

無錫諸門人留飲惠泉得鹽字

鄒園亭際酌芳甜。載酒移舟問孝廉。烟水有盟花作  
主。麗譙無禁月爲籤。相如已共談詞賦。劉向兼能論



鐵鹽齒粲餘香天漸白泉名第二願同僉

客況時別舟有歌者

客署蕭森小院秋。梧桐枝上雨聲幽。拾來綠葉堪書  
句。催盡吳歛。當酒籌。知己高朋。渾不忌。隣人嬌玉解  
會羞。江千夜色。賒如許。漫道飛蓬。賦遠遊。

慰許符度

十載心期樹與蓀。更兼急難勝金帛。連牀風雨無朝  
夕。把袂琴書共討論。愧我同舟先旣濟。感君同步久  
仍屯。寸高自有璠璣價。佇待紅綾賜被溫。

聞李內舅鄉薦

誰家馬上少年郎。共羨寧馨天路翔。墨海蚤能翻陸  
海。桂香爭似鬪筍香。宗支原是燕山種。才貌兼稱洗  
馬行。江夏哲人今再見。春風須奏魯靈光。

薊門

薊門陵樹遠蒼蒼。隧道官儀望夕陽。黃竹歌聞歸想  
像。白雲風起自飛揚。危峰一柱當龍闕。曉帳千屯列  
雁行。昔日近臣恩不細。盡攀弓劍哭先皇。

冬日陽和樓落成邑侯王君招飲是日雪

魏樓聯步值寒宵。明府青樽此見招。四野河山供眺  
詠。萬家烟火伴笙簫。豐碑舊帶雲霞迥。畫棟重開日  
月遙。更喜霏霏占歲瑞。于今仙令是王喬。

婁封翁

新承紫誥五雲中。占斷華豪誰與同。談劍擊壺俠士  
槩。尋花載酒晉人風。河東有子名堪鳳。薊北論交氣  
似虹。仙令由來功未艾。封章落拜帝恩崇。

送李雪生之任婁縣

年少翩翩百里才。錦帆初向大江開。王郎應致祥鸞  
集。笥令爭看赤鳳來。琴靜春生林屋曲。月明人在洞  
庭隈。從今須副循良詔。占得清華第一回。

咏梔子花

倩粧淡冶曉來新。號國蛾眉亦後塵。疎雨最憐初浴  
罷。輕風疊送晚香勻。時矜冷艷同梅蕊。不減清光對  
玉人。安得吾園終日醉。高歌數曲報花神。

晚涼同晉公文石飲賦

啣杯落日興偏豪。遙對青山首漫搔。僻處自寬惟少  
病。窮愁堪抵是醇醪。坐消煩暑松筠合。返照晴光薜

荔高况有同心過二仲。好將白雪向君搽。

秋日病起遣懷

夙病連朝未著冠。頻搔短髮怯衣單。窓鳴風雨秋聲急。雁過霜天夜影寒。才不沈郎偏易瘦。懶如嵇叔久相安。淒清此際思無限。獨寫新詩剪燭看。

孿子詩寄都中諸弟時丙申七月朔日也

忽發庭前雙桂枝。靈椿自愧笑難持。後先已莫分蓮漏。叔仲唯應繫綵絲。此日餅湯差可樂。他年耕讀敢言遲。長安諸弟如相問。家報新裁孿子詩。

立秋

樹頭蟬語送秋來。百轉愁思一葉開。殘暑屢驚忙裡換。蒼顏不覺暗中催。西風吹綠涼書案。細雨飛紅點石苔。可耐登樓偏有賦。鄉園在望日徘徊。

寄懷家銓弟並祝雅倩姪秋闈

對鏡年來羞二毛。強將新句闋分曹。雨中採藥供多病。花底開樽命濁醪。踈懶自憐同叔夜。馳驅猶喜傍山濤。承家小阮深堪羨。坐看秋風玉樹高。

少宰弟候補京邸以思故園詩見寄依韵爲和

時聞二年友建言事故未聯及之

閒庭殘暑鳥來稀  
堦下梧桐弄晚暉  
方向小園陳酒  
賞更從別墅探花歸  
忘機散步安貧病  
謝客攤書遠  
是非朋好愁聞多  
啓事知心獨有舊漁磯

又和少宰弟韻

小徑曲欄茉莉香  
西風早已送秋陽  
長安車馬從來  
熱草野石林故自涼  
看破世情堪笑傲  
任矜名和總  
微茫一編獨對高吟罷  
勝有花飛月滿床

賀杜子靜之任山左

承恩初自建章迴  
岱岳分符雙鳥來  
經濟早傳元凱  
業風流兼擅洛陽才  
仁聲直滿千家邑  
俠氣高登百  
尺臺  
會得政成歌杜母  
卽看丹詔五雲開

送張年親翁之任松龍

詞賦爭推大曆年  
分藩輿地主恩偏  
星軺遠駕風  
雲壯霜鏡高標  
日月懸錦水由來嚴鎖鑰  
劍門從此  
息烽烟窮搜禹穴  
還堪羨八陣寧惟葛亮賢

閒居感懷

澹月踈燈地更幽  
徒存三徑舊蓬丘  
人情漫說春水

薄世態常牽蜀道愁。知已幸逢多李杜。談心猶喜過  
羊求。花汀竹圃堪乘興。靜裡年華好共驕。

其二

藤蘿滿架護山扉。鎮日高樓坐翠微。有意春風方颯  
颯。多情乳燕故飛飛。花前命酒從踈放。月下談經少  
是非。天教閒人娛晚歲。看他裘馬自輕肥。

漫興東吳晉公

閒居科首攬朝暉。頗怪同人問訊稀。抵掌橫談千古  
近。論心直覺十年非。茶經酒帖身堪老。竹圃花汀興  
不違。濩落生涯還自哂。浮沉天地一鷗飛。

夏日坐白蓮亭

白蓮亭際蕩扁舟。浙浙涼飈已似秋。念載行藏還自  
哂。一身潦倒幸無憂。名花不解胭脂好。碧沼惟來鷗  
鷺游。極目石林烟霧渺。更從何處覓丹丘。

大悲閣禱雨

嵯峨閣下禮禪宗。何事江湖盡日封。灾異有因徵漢  
史。祈求多術問神農。思將法鼓驅妖魅。力仗經聲喚  
螫龍。聞道聖朝頒善政。天心寧復禁醇醲。

問訊京寓諸花木時苦旱曠

西山翹首賦閒居一卧滄浪八月餘故國丘園仍不  
異長安花木竟何如蘊隆積日愁鞭石藜莽無人解  
荷鋤紅綠垂垂今在否慇懃慰爾數行書

大悲閣

幾循石磴拜優曇高閣凌虛萬法涵燈照人天懸寶  
筏錫伏龍虎衛金函盈千慧眼還無相百丈蓮花何  
處庵沓水西來增壯麗日光激射映晴嵐

夏日卽事

香紅片片燕來啣絕勝風塵著紫衫採藥常思獲石  
髓開樽贏得醉雲岫園中舊有花三徑樓上新藏史  
百函更喜虎兒知覓句阮家不獨羨阿咸

夏夜和李二公年兄韻

高臺獨倚晚涼生坐待虛窓月影橫一片寒冰消溽  
暑數聲遠笛見孤清鴻書快讀吟還註蝶夢驚回起  
更行天際閒雲多變幻青山如畫好同盟

郊居

茆屋方塘氣自孤爲園正在水東隅鶯鳴綠岬聲高

下月照疎籬影有無意致閒閒隨野鶴年華澹澹老  
潛夫殘書數卷長爲伴忘却人間腴與枯

雨中嘯雲樓卽事

小雨淙淙入曉涼樓前老栢正青蒼結籬儘足安羊  
仲閉戶何須問鄭莊書卷梧桐霑細潤窓紗茉莉送  
餘香平生最愛尋幽處瓦鉢松醪興欲狂

清夜

數年多病愛林栖起舞無心聽曉鷄懶癖新來過叔  
夜幽懷久已付愚溪樓臺靜敞塵難到書帙頻抽亂  
莫齊鎮日孤清誰得識坐看明月照人低

殘暑

序移殘暑行將盡坐望銀河復此晨眼底曾無軒冕  
貴杯中幸滿石梁春鶯啼有意頻遷樹月色如垂近  
向人百歲韶光寧易得急從世外樂吾真

雨中葵石弟招飲冷然堂賦謝

不到林堂近十年今來松菊尚依然披襟素友同英  
社度曲名姝有麗娟細雨霏霏迷竹徑輕風習習冷  
花天難辭杯半清燈夜好醉葡萄石丈前

七夕

又到金風玉露時。那堪青鬢漸成絲。填橋競說星河事。穿綵猶傳士女詩。聲急蟬催楊柳。影寒雁渡蓼花。湄秋光最是撩人處。不爲仙家怨別離。

七夕微雨

翹首銀河東復西。佳期仙偶亦難齊。新粧久艷天孫織。故事常來墨客題。別院笙歌空外。嬾平沙烟柳望中迷。人間何事重求巧。野老無心自穩棲。

李二公年兄自京師見訪扇頭有玉立弟贈詩

以春明門內卽村居爲題依韵和贈

春明門內卽村居。楊子雲亭好著書。雨後藝花泉釀熟。林中覓句世情疎。青蓮久屬同心友。綠野忽來長者車。敢謂陳蕃能下榻。孤踪携手話樵漁。

送婁鶴笙之涇縣

自是金華殿裏才。承恩先試大江隈。芙蓉花滿同潘縣。襦袴歌騰誦柏臺。便駕星輶雙鳥去。卽看竹馬九秋來。琴溪好比琴堂日。春色遙應寄隴梅。

秋窓



雨後微涼透碧紗。秋窓開徧紫薇花。書藏萬卷幽人業。晝掩雙扉處士家。歷落遠看歸浦鴈。啾啾時聽噪林鴉。兒童課罷跏趺坐。好息機心秘汞砂。

秋懷

高卧霜林手一編。草堂無事亦山巔。欲知宦况應觀奕。識破人情可入禪。避地自尋猿雀伴。息機不傍虎龍眠。秋來菊桂堪娛老。筇杖芒鞋興渺然。

秋日得句

半畝荒園一徑通。結籬正復是墻東。新苔雨後迎人綠。老樹霜前任意紅。客至啜茶猶可醉。興來得句不求工。孤懷落落丹丘遠。世事白雲付太空。

送王仲昭表弟之任宣化

秋色遙連洱海邊。壯遊莫惜飽風烟。牂牁亦是先王地。翼軫曾分百粵天。德慕懷柔歸禮樂。功成神武罷戈鋌。君家仙鳥雙飛去。報績應如五鳳年。

所思

秋到林扉事事宜。紫簫爭向小樓吹。鴈來南浦知隨令。人卧北窓解賦詩。桂酒方酬牛渚月。茱萸又過菊

花時一年好景應無負坐對水壺有所思

除夕庚子

五十餘年落拓身歸田喜見歲華新屠蘇咲飲皆先  
我椒頌狂吟敢後人岍柳未黃猶帶臘窓梅綻綠已  
迎春山家底事堪娛老兒女雙雙拜舞頻

仲琳以歸省過恒山賦贈

幾年諫草重明光此日風高晝錦堂西去函關增氣  
色北來易水濯文章情殷堯叟晨昏切裔是伯鸞姓  
字香喜見雁行頻握手挑燈晏集漏聲長

除夕

辛丑

送寒此夕共持觴繞屋疎梅放晚香廊廟欣逢周召  
盛林泉尚許阮稽狂新詩漫就虛經歲短髮頻搔半  
欲霜幸對封胡年少輩燭紅酒綠夜蒼蒼

元旦

壬寅

燎火初明響佩珂東風依舊到岩阿逢迎煖意梅蒼  
蚤領受春光稚子多但願蓬丘安翼鏢不從仕路嘆  
蹉跎圍爐好醉葡萄酒野鶴閒雲發浩歌

齋頭瑞香將殘一枝猶有餘香

冰姿玉骨勝幽蘭把酒常宜帶月看綽約洛神臨画  
舫輕盈妃子倚雕闌生憎搖落如相妬坐惜芳香未  
許殘夜寂虛窓堪獨賞孤清似我一官寒

春日卽事

小院踈窓睡起遲晴光初上海棠枝春雲礪月閒相  
待草屨荷衣撲更宜綠淺柳垂鶯欲報紅嬌花綻蝶  
先知清溪近遶平橋路好整魚竿學釣師

近况和伯父韻

名花濁酒且舒顏世上孫劉盡等閒遶郭清溪堪放  
艇當窓好雨助看山心同叔寶曾無忤詩效淵明總  
不刪終日披襟何所事簾蘿深處結烟鬟

猶龍年兄自蜀藩見訪余以病不能晤率爾賦  
荅

衡門喜見李膺舟奈我維摩病滯留天際使星回益  
部茆堂下榻羨南州青箱氣韻追王謝白雪文章是  
應劉何日延津雙劍合啣杯彈鋏自生愁

夏日述懷

科頭炎日懶將迎忘却浮華身自輕婚嫁遲難同向

子卧游老可效宗生青蘿故送烟霞氣小沼時來鷗  
鷺盟爭似風流陶處士花妍酒綠有餘情

午日小集

青蒲映綠間紅榴滿泛香醪碧玉甌鶯蝶有情知令  
節水雲無恙識滄洲身藏畏聽論時事年老常思說  
舊遊半醉倚欄新月上誰家弄笛傍南樓

索居

誰向蓬萊問索居十年知己斷雙魚遐心敢奏王門  
瑟雅道難邀長者車我久賦成巖桂冷人今情似鬢  
毛疎絕交有和公論自愧元龍氣未除

五日同至親飲感賦

又看午日競芳晨插艾浮菖亦效顰知足功名留故  
我到頭朋好竟誰人藏書滿屋從稱富有酒盈樽未  
是貧萬事春雲終變態與君且愛眼前身

得晉公姊丈鞏昌書却寄

盧亭彈鋏自成歌尺素遙傳到薜蘿明月有情知爾  
共新詩漫賦憶君多醉心每愛秦川酒饞口仍思熟  
洛河五十年來兄弟好于今短髻兩婆娑

雨中述懷

睡起攤書意轉慵。病來無那亂愁工。日邊幾見歌鳴鳳。海內徒聞好畫龍。雨入薜蘿光似拭。雲窺屋角靜仍封。虛臺把酒堪舒嘯。匣裏思飛醉後鋒。

暑極大雨如注炎蒸頓解小酌感賦

好雨西來暑氣屏。披襟沾酒倒銀瓶。炎涼轉瞬爭先後。爾我相看有醉醒。雲水互連如瀑布。烟光四合鎖空冥。千秋變態皆猶此。長嘯東郊舊草亭。

伏日坐水亭

十畝芳林蔭碧天。孤亭靜枕藕花邊。平橋遠望虹霓墮。老木蟠生虎豹穿。波映荷衣人在鏡。香浮冰碗座涵烟。呼童濁酒還須酌。搔首狂歌自扣舷。

雨中讀蕉林近詩有懷賦寄

清曉科頭暑氣平。陰陰霖霖黯孤城。三年骨肉浮沉夢。千里音書去住情。喜造鳳樓多屬弟。慚稱甕牖又爲兄。有懷欲寫難成句。半作虛牕風雨聲。

寄懷湯千里年兄

書牕獨卧燕來窺。幾度閒愁可向誰。對月望君難命

酒臨風寄友幸憑詩青山片石聊相伴  
泌水一泓任樂饑最是三春情倍切  
杏花開編引離思

元宵卽事

辛亥

火樹燈光耀九達金吾不禁漏聲遲  
遊人竟夜喧車馬稚子巡筵索棗梨  
兩鬢雪霜慚令節三年心事憶當時  
興來且盡鑪頭酒明日笙歌未可期

寄懷沈陶之年兄

別君最久意何如懷袖猶成三歲書  
攬照自窺羞白髮督耕敢效曳長裾  
花香獨愛陶潛菊酒熟常烹張翰魚  
訪戴不能乘夜雪時塵夢繞子雲居

戊午除夕

歲暮圍爐蠟炬殘一堂骨肉慰加餐  
梅花暗引春風煖柏葉潛回玉露寒  
半世徒勞羞馬齒十年有恨付漁竿  
逢人懶說行藏事漫把青樽強自寬

重疊前韵

身老婆娑強自寬茅齋聊設五辛盤  
敢將冷眼同人熱惟有青瑣伴我寒  
稚子喧闐爭戲舞山妻黽勉慰加餐  
客來休說長安事好整絲綸付釣竿

春日東園小集

偶從父老踏青茵。策杖強尋野外春。散步平橋攀柳  
線。移樽曲徑坐花裯。年衰不喜談時事。心熱常思對  
故人。少飲頽然歸詠後。北窓高卧樂天真。

暮春携兒輩飲東園

嫩紫嬌紅值放春。東郊小飲荅芳晨。煖香疊送沾衣  
袂。新綠紛垂暗水濱。謾說酒狂輕世事。敢同年少學  
時人。開心久共滄洲遠。竹杖芒鞋伴此身。

初春和葵石弟入靜詩

養靜虛窓却俗緣。置身欲在大華巔。輕看塵世三千  
界。暗度浮生七十年。澹泊無心誇綠野。跣趺有意秘  
丹田。蒲團竹杖隨吾好。且喜春回臘月天。

送謙居叔入試秋闈

詞藻翩翩燦筆花。多才每共說吾家。龍門百尺身先  
躍。桂窟三秋諾未賒。喜見冠裳開奕葉。應教名姓滿  
京華。雲程此去蟾宮近。策馬西風綠柳斜。

送劉真若秋闈

桂影團團入帝邦。一樽相送對銀缸。三年携策真

堪獻此日論文未有雙姓字。久應書澹墨奎光。今已  
映寒牕。但言預代泥金報。佇看題詩到曲江。

重陽和田孝廉韵

携樽共飲漫登高興至。狂歌學楚騷。菊綻喜留佳客  
坐。酒酣懶整舊宮袍。風前樂事還同孟。花應閒身願  
效陶。三徑依然成小築。紅塵堪咲馬啼勞。

其二

綠野堂前薜荔高。長吟科首檢離騷。晚霞落照催歸  
雁。新月寒光上縕袍。老景惟從詩句度。閒情每向酒  
杯陶。黃花滿徑堪幽賞。莫問當年筋力勞。

冬夜感懷

十五年來感興深。空齋獨夜泪沾襟。穿牕霽月寒孤  
枕。入戶朔風送暮砧。柳好友朋多隔面。至親妻女半  
傷心。可憐白髮熒熒老。強把一編尚苦吟。

其二

閉戶藏名小院深。竹爐茶竈暫開襟。閒尋舊牘思前  
輩。高卧虛窓聽遠砧。拙守每留違世諍。熱腸空結愛  
人心。閒來携子嘗新釀。午夜挑燈相對吟。



其三

斗室圍爐更漏深。呼童沽酒滌塵襟。幾年壯志看長劍。此日閒愁消暮砧。處世難忘今古語。逢人敢作是非心。聊將詩句酬清夜。好共推敲仔細吟。

其四

把酒臨風託興深。十年潦倒恨盈襟。愁思訴與穿窗月。好夢驚回別院砧。客至縱談聞世事。時經冷眼識人心。唾壺擊碎情無眼。細檢離騷獨自吟。

滇黔底定 加恩志喜

大將專征森羽旆。鏡歌奏凱徹雲霄。錦江浪靜天威震。鐵鎖橋開廟筭饒。力綏遐荒驅虎豹。恩垂浩蕩遍漁樵。百僚喜上昇平頌。一統河山翼聖朝。

元宵

春宵煙火五辛盤。濁酒頻添興未闌。細數新年羞馬齒。閒居隨處可漁竿。花香沾袂移燈賞。月色迎人帶醉看。九陌笙歌風景麗。繁華爭似到長安。

秋日感懷

清秋小圃惜芳辰。雲散天開月色新。盤內殺思東海

蟹樽前香繞太和春閒看冷落孤飛雁細數繁華得意人幾度題詩聊遣悶再三吟咏轉傷神

中秋卽事

中秋薄夜對寒輝獨坐虛臺客到稀風送笛聲來竹徑月涵花影上羅衣燈前稚子迎人笑酒後新詩任我揮多少閒愁消不盡自憐迂拙與時違

嘯雲樓詩集

真定梁清寬敷五甫著

七言絕句

和趙城風物咏二十韻

主父宮

依稀城闕綠烟中主父荒丘落晚虹過眼豪華霜月冷常聞野老說遺宮

韓河

綠波遙望接恒峯曲折東來走蜃龍形勝千年蟠地

嘯亭詩集  
極泉聲細瀉間踈鐘

齋中竹

碧影參差蔭北窓  
輕風搖曳響淙淙  
子猷載酒堪乘興  
疑在湘江與漢江

常山祠

孤城獨守捍危時  
千載忠肝繞烈祠  
北岳山靈增氣色  
至今名紀太常旗

望諸君

齊城七十盡來歸  
卽墨猶存是耶非  
霸業未成時勢

異英魂常逐野燐飛

西郊水村

綠柳芳塘野外居  
疎籬環繞盡芙蕖  
秋來策杖平橋望  
稚子雙雙戲釣魚

諸福屯

郊居樹隱景堪圖  
不數陶家柳五株  
好祝東皇施灌溉  
今來風雨妬花無

中山酒

時清幸得罷霜螿  
羨殺當年號阮迷  
酒貴中山名已

久不須香味咏紅泥

趙氏壁

氣壓西京壯志諧相如大節凜秦階功成不止歸和  
璧十二諸侯盡傾懷

千秋臺

赤符帝子渡河來貔虎千群拜上臺何事播遷今古  
恨白蘋黯淡向秋開

湯沐邑

計就侯生已却秦薛毛建策事猶新五城不足留公  
子湯沐常存信義人

大茂山

大茂山中落照曛紫烟堆裏牧樵群秋深霜樹飛紅  
葉候鴈寒鴉噪暮雲

蕪萋亭

漢家故事可重論帝子難忘麥飯恩盛世風雲良不  
偶蕪萋千載表荒村

北岳祠

岳廟嵯峨草木寒諸峰羅列似千官何年太祝陳牲

幣片片秋雲護石壇

尉陀

尉陀荒壠鳥緡蠻宿草芊芊滿故山南越子孫金在  
否鄉心應望白雲還

冶河

冶河蘆岍打魚船醉酒烹鮮煮野泉莫道山翁乏樂  
事鳥聲巧轉蓼花天

趙陵

高丘石馬接烟霄從楚橫秦事已銷草樹秋深速客

逕陰陰暮靄鎖清宵

順平侯

功成鼎足志分茆百戰中原折獍虢故國荒苔香火  
暗年年尚有燕來巢

獵徒

調鷹走馬逐秋高伐兔追狐意氣豪結客平原歸獵  
晚紛紛毛血灑弓刀

北潭

瀾瀾水際館層峨画舫歌樓勝事多露冷荷殘風物

換令人懸想舊烟波

柏棠

翠竹檀欒接錦沙  
松風小徑夕陽斜  
姚黃三月尤堪賞  
占盡人間醒酒花

太行山

衰草淒淒百戰場  
英雄棋局等弓亡  
秋原漫上高峰望  
極目寒烟數鴈行

西郊水亭

清溪曲港小橋平  
繞岸荷花帶晚秔  
雉堞遙分秋照冷  
澹烟和月急砧聲

東郊園池

一望平池稻正青  
喜看鷗鷺滿漁汀  
迎門稚子陶潛隱  
三徑猶存菊萬鈴

開元寺

浮圖插漢勢峻嶒  
茆榻空存粥飯僧  
早夜鐘聲殘夢覺  
誰憐老納續禪燈

大佛閣

佛閣凌霄勝地幽  
霜鐘寥栗肅高秋  
禪僧唱徹金剛

傷天際寒雲淡不流

雕丘槐

霜幹虬枝一院陰  
溪光遠接碧雲岑  
槐亭不入紅塵  
思聽取長林快活吟

城河

芙蓉照水影鬚鬚  
十里橫橋帶曉嵐  
秋淨漁舟紅蓼  
岍鮮鱗紫茱小江南

鬪鷄場

日事輕豪動奮髯  
鬪鷄場裏競鞞鈴  
一朝睹勝腰纏

富沽酒歸來月上簷

蒼巘山

石壁攀登峻嶺巉  
霞宮仙洞枕重巖  
山光滴翠泉聲  
咽野鶴白雲繞檜杉

林下次止亭相國韵

高峰四合抱溪流  
遙望孤村傍驛樓  
林密山深風雨  
夜客懷六月已如秋

二

茂林深處蔚藍天  
義帳雲屯起暮烟  
雨過輕寒思小

酌山光欲墮酒杯前

三

征鞍暫就野人居  
竟日高談興有餘  
忌諱都忘情好  
洽風流逸事不勝書

四

朝來微雨淨天容  
面面踈林見遠峰  
坐久不知新月  
上一鈎斜掛孝陵松

五

萬樹晴光入短床  
泉聲鳥語助清狂  
山靈如此真難  
負把酒高吟數鴈行

贈曾處士

公衮家聲迥不群  
弘文懿行屬曾君  
時清泉石堪娛  
性好向高峰卧白雲

其二

縱橫逸氣絕塵襟  
子驥孤踪托興深  
詩酒流連無限  
意探奇芒履徧山岑

初秋憶家樓名嘯雲

斜陽小院海棠秋  
蕭瑟曾關宋玉愁  
我亦倦遊思尊



美鄉心時繞嘯雲樓

題李五絃司馬姬人畫像

輕綃一束喚莫愁  
小院梧桐擁翠樓  
何事行雲留不住  
空餘殘月上簾鉤

其二

月印朱欄冷畫屏  
花前密語尚星星  
却忘鏡裏人非昨  
疑是傷春睡未醒

其三

蛾眉空向畫中傳  
春色香閨自可憐  
司馬青衫應爲

濕多情生根短  
因緣

其四

主人情重徧徵詩  
料得香魂黯裏知  
卷上高吟腸斷句  
珮聲欲下影遲遲

石榴

樂天善賦咏紅中海外  
塗林錦窠勻葉綠  
裁烟張翠幕  
花開誰道不如春

秋水芙蓉

何人移自錦城隈  
復向延真館裏來  
挹露棲鴉秋色

老常隨三徑拒霜開

挽段處士

寂寞玄亭晝自扃  
愁看新陌草青青  
白雲霜月銘旌濕  
誰寫軒昂處士星


其二

古今夢覺總難論  
宋玉空招往日魂  
爭似桂蘭庭際苗  
姓名常自耀衡門

夏日

閉戶攤書遠世緣  
閒堦睡起與悠然  
榴花近對風前





原件短缺

P58后缺

